



Inst. Komp.

15723

I

Mod. St. Dr.

P

*Tomowski Stanisław: Quæstio de testibus in  
provincia facti vel iuris notatis.*

5



~~2611~~ Pravo.



QVÆSTIO  
DE TESTIBVS, INFAMIA  
Facti, vel Iuris notatis.

*Ad c. Testimonium. Ext.*

DE TESTIBVS & ATTESTATIONIBUS. Iuncta L. i. ff. de Testibus.

QVAM

*Sub præsidio Admodum Rñdi & clarissimi Domini,  
D. IACOBI NAYMANOWIC, I. V. Doctoris &  
Professoris Ordinarij, Archidiaconi Pileceñ &c.*

*Proponet ad disputandum pro ingressu ad  
primam lauream Iuris:*

STANISLAVS POMORSKI, *Artium Liberalium in Academia Crac. Magister.*



C R A C O V I Æ,

In Officina Typogr: Matthiæ Andreouieñ.

Anno D. 1618.

bb.



IN A R M A  
Illustrissimi DVCIS à ZBARAZ.



**E**ssete securi, nil vnquam triste timentes  
 Lechiada, portâ triplici, lunaq; nitente  
 Et cruce suffulti: cordati militis ense  
 Ac hastâ, Regni discrimina temnere prastans  
**A ZBARAZ DVX** en suadet, protector auica  
 Religionis, honorata Pietatis amator:  
 Ore, manuq; potens; fortis, prudensq; decorus  
 Consilio, niueum fundens in co-da liquorem!  
 Ensiser, hastatusq; in aperta pericula miles  
 En ruit, vt Patriam rebus defendat in arctis.  
 Ergo diu incolumis viuat, Musisq; calorem  
**INCISOR REGNI** inspiret Dux inclytus. Eia  
 Vates aeterno persoluite vota Tonanti.

M. Matth: Buczkouij.

VNIV.

JAGELL.

GRACOVENSIS.

15723I



Illustrissimo Domino,  
D. G E O R G I O  
D V C I à Z B A R A Z,  
Supremo Regni Pol: Incisori:  
Pincensi, Sokalienli, &c. &c. Capitaneo.  
Domino & Patrono colendissimo

ΕΥΠΡΑΤΕΙΝ.



*Admirandus vitæ incorruptæ & mo-  
rum integritate Pythagoras, Illustris-  
sime Dux nihil Deo similis iusto  
homine asseuebat. Nec immerito:  
omnibus enim virtutibus suum decus  
attribuit, Ornamentum: ad quam ceu ad signum &  
finem omnis honoris & dignitatis cæteræ diriguntur, &  
& in ea ipsa conquiescunt. Quemadmodum enim sol  
eximio suo splendore, omnium syderum claritatem ob-  
tenebrat; ita iustitiæ splendor suum cuiq; tribuens, om-  
nibus virtutibus antecellit. Est enim tanquam vesperus  
& lucifer solem omnis decentiæ præcedens, & ex eo pro-  
manans. Hinc fit ut pulchritudo illius omnes suos ama-  
tores inflamment, & ad finem certissimum deducat. Fa-*



cile quippe in officio boni consistunt; illa principe: mali  
autem à vitijs renocantur, illa examinatrice. Quid  
enim? ubi non est iustitia, ibi nec Respublica esse po-  
test, nec populus cum Senatu, & Principe rectè consen-  
tire. Tunc enim insidiæ occultæ locum habent, tum de-  
tractio odiosa, tum inimicitiae, contentiones passim ubiq;  
struuntur, tum deniq; liuor & ambitio detestanda exur-  
git, & caput virulentum exerit. Remota igitur iustitiæ  
ratione, & æquitatis firmamento, quid fient regna, nisi la-  
trocinia? quid sublimium heroum & Principum pala-  
tia, nisi spelæa leonum, & omnis ferocitatis latibula at-  
que iniquitatis asyllum? Et quemadmodum ignis arde-  
re & viuere non potest, nisi aliquo pabulo pingui fouea-  
tur: sic animi materia & cibus est iustitia, qua tenetur  
ad vitam, & omnes Reip: partes sustentantur, cuius mu-  
nere homo cum suprema Mente coniungitur, illiq; peni-  
tus adhæret. Hinc diuinus Plato. Quicumq; (inquit)  
multas inuenerit in sua vita iniquitates, ex ipso etiam  
somno tanquam puer excitatus extimescit, furijs in con-  
scientia agitur, & in pessima spe viuit. At verò qui  
iustè, ac sanctè vitam degit, dulcis eum spes comitatur  
cor nutriens, senectutemq; fouens in animi tranquillita-  
te; ut pote legibus addictus, omnia cum veritatis con-  
sensione facit, & veluti sagittarius, semper animum  
intendit ad scopum virtutis, & fidei integritatem. Om-  
nibus id liquidò patet, eum quicumq; à veritate aberrat,  
illico



illico à legibus, tam Diuinis, quàm naturæ, & humanis  
auocari, ita vt nec priuati, nec publicè sana mète aliquid  
aggredi posse videatur. Nā si prima vis animæ est mens,  
cuius actus est perpetua veritatis contemplatio, profectò  
nefas ducemus eum, qui bene beatèq; viuere intendit  
fallere, aut fraude doloq; circumuenire. Simulatio enim  
linguæ, cordis discidium indicat, estq; afflictio, & ingru-  
ens ac periculosa Reip. calamitas, perinde ac si egrotus  
medico, vel nauta gubernatori aliquid alienum à veri-  
tate, suo malo & aliorum exitio obtruserit. Quocirca  
cum ad fallacias passim instructi sunt mortales, hac præ-  
sertim temporis iniquitate, quando probro ducitur piè  
viuere, iustè ruditati cuidam attribuitur, peienre vr-  
banitati confertur: non alienum ab institutis meis duxi,  
in aspectum hominum lucemq; proferre, testimoniorum  
dicendorum momenta & rationes: quo pacto notum sit  
omnibus, testes nisi cum veritate consentiant, infideles  
esse censendos, infamiaq; facti vel iuris esse notandos:  
& quibus sic nota ignominia inusta fuerit, ad testimo-  
nium in omni genere caussarum nequaquam esse admit-  
tendos. Plausibilis vt puto, est ad disceptandum mate-  
ria, & in communi viuendi ratione pernecessaria, quam  
quidem ego, volens prodesse cæteris, vt sine iniuria in Po-  
litia viuatur, sub præsario Illustrissimæ Cels. Tuæ ad  
disputandum in Acad. Crac. publicè pro assequenda pri-  
ma in Iure utroq; laurea augustissimo nomini tuo sub-



scriptam proposui. Idq; vel maximè eo nomine, vt huic  
luci meæ aliquid lucus à splendidissima Generis tui cla-  
ritate, & illustrium factorum tuorum celebritate adda-  
tur. Neq; enim video multa esse in nostro Regno Gen-  
tis decori adeò illustrium virorum monumētis consigna-  
ta, quæ cum Generis tui celsitudine, vel antiquitate,  
vel rerum gestarum gloria possint vsq; tutò compari-  
ri. Magna est vis sanguinis tui ab aureo ramo virtu-  
tum profluens, quæ vsq; in Reip. commoda exuberat, &  
in Regni ornamenta à Maioribus tuis tanquam peren-  
ni fonte deriuatur. Quo fit, vt & Serenissimo Regi cha-  
rus, Senatui iucundus, nobilitati venemendus, imò toti  
populo admirabilis appareas. Quocunq; enim te confers,  
inibi clementia in omnes, liberalitas in egenos, in Deum  
pia affectio, in Academiam religio comitatur vbiq;, ita  
vt omnes qui te nōrunt viri literati Musageten seu Mu-  
sarum Patronum salutent: & nunquam satis iucundis-  
simo conspectu tuo satiari valeant; qui autem de te, ac  
rerum gestarum gloria, fama aliorum percipiunt, incre-  
dibili tui desiderio exæstuent, & in hanc excelsam tui  
vultus grauitatem, verborum auctoritatem, oculorum  
comitatem, factorum magnanimitatem, placidissimo hu-  
manitatis succo respersam, prudentiam, iustitiam, pietā-  
tem, venerationis pariter & amoris affectu maiorem in  
modum rapiantur. Quare pro ea, quæ es in literas & li-  
teratos viros comitate & beneuolentia, accipe hoc primū  
in te



*in te animi & cultus mei pignus non contemnendum, ac-  
cipe tesseram meae submissionis, & in publico studio ar-  
gumentum, & me simul cum eo in tutelam tuam Patro-  
ne benignissime suscipe, ac primigenium hunc fatum  
meum contra maligni liuoris dentem scuto authoritatis  
Tuae defende. Insuper me clientem tuum ad maiora at-  
tolle, ac aura lenitatis & munificentiae promoue. Ego  
quicquid in me industriae, quicquid virium est, id totum  
in nominis tui decus & ornamentum conferam: id certi-  
us oraculis vatum habeto. Datum Crac: è Contub.  
Iurisprudentum, Die III. Mensis Febr. Anno Do-  
mini, M. DC. XVIII.*

*Illustriss. T. Cels.*

*aeternum deuotus  
& addictus Client*

*Stanislaus Pomorski Artium lib:  
Magister, Philosophiae Doctor,  
Contub. Iurisprudentum Senior.*



# M. MATTH. BUCZKOVII

ΔΗΜΟΤΙΚΟΝ

*Ad clarissimum virum D. STANISLAVM POMORSKI,  
Art. lib. Mag. Philosophiæ Doctorem, I.V. Candidatum*

*Od. Monoc. Monoftr. Anacr.*

Inuia virtuti nulla via.

**Q**Vorsum tuus, POMORSKI  
Vigor penetrat oram  
Legisperitiorum!  
Vt contumeliosa  
Discorsq; mens quiescat,  
Pertundat & medullas?  
Gratantur hinc amici,  
Promunt metron Sodales:  
Virtute, macete, DOCTOR  
Sophiæ, eia STANISLAE:  
Iurisq; candidate.  
In alta fer vigorem  
Mentis; nequibit imo  
Loco ille desiderare.  
Virtus in alta semper,  
Ceu ignis, ire suavit.  
Orator, & Magister,  
Iurisq; sis peritus:  
Vt consulas periculis,  
Pacem sequi docendo.  
Sacrata vincla Legum  
Disertus ore solvens  
Fallaciam huius retorquet,  
Queis cor dolus perurget.  
Recti Fidem tenacem,  
Cunctis inire suade.  
Tuo, quid est agendum  
Multi dehinc virorum  
Vtentur, instituto.  
Vrge fidelis, astus,

Fraudesq; perditorum  
Disperde (oh) virorum.  
Et Testium rebelle  
Pectus domare perge.  
Contentio, perurens  
Res, & tumultus, ipsos  
Pellatur vsque ad Indos.  
Dexter Patronus Artis,  
Consultus atq; Iuris,  
IACOBVS ecce Doctor  
(In cuius ore Suada  
Consedit, & Minerua  
Prædocta) Naymanowicz,  
Sustentat, vt polum Atlas,  
Pondus tui negotii.

Volumina ergo Legum  
Manu reuolue dextra,  
Vt sic queas salutem  
Rebus parare tutam.  
Si, Marte promereri,  
Laus ciuicam coronam,  
Lauro est nitere maior.  
Consultor vtq; fias  
In publico Lyceo.  
Horsum tuus, POMORSKI  
Et Iuris vtriusq;  
STANISLAE Candidate,  
Vigor penetrat oram  
Legisperitiorum.



# Q V Æ S T I O

*ex c. Testimonium.*

EXT: DE TESTIBVS ET ATTESTAT.

*juncta L. J.*

DIG: DE TESTIBVS.

**V** ♦ Iudex, cum in eius arbitrio posita sit omnis ratio probationum Iudicialium, maxime autem earum, quæ per testes fiunt, personas viles, malæ reputationis, notatas vtraque infamia, tam Iuris, quàm facti, ad deponendū de veritate admittere, eorumq; dictis stare, nōnūquā valeat: nec né.

B

CON-



## CONCLUSIO I.

In arbitrio Iudicis est positum, quando Testes ad probandum admittendi sunt, quantumque eorum depositionibus fidei adhibere debet.

## COROLLARIA.

1. *Est Electio penes Iudicem, num causæ veritatem per Testes potius, quam per instrumenta indagare velit, pro natura facti occurrentis.*
2. *Adeo autem exuberat facultas Iudicis in discernendis depositionibus Testium, ut possit quantumvis clarissimè deponentibus, fidem non habere.*
3. *Arbitrium Iudicis hic adeo credimus esse adstrictum Regulis Iuris, ut possit puniri, qui vel admittendos Testes reiecit, vel reijciendos admisit.*
4. *Non infrequens in praxi est, Iudicem punire Testem in deponendo delinquentem, quamvis non sit suus subditus.*
5. *Si contingat re ita postulante, excommunicatum*



*tum Testimonium ferre, poterit absolui ad cautelam ab inferiori etiam, quam suo Iudice, a quo censura innodatus fuerat.*

## CONCLUSIO II.

Testes viles, & malæ reputationis, regulariter à testimonio ferēdo repelluntur, possunt tamen ad testificandum ex causa admitti.

## COROLLARIA.

1. *Pauperes si sint honestæ vitæ, nec suspecti, valebit Index ad deponendum admittere, idque ne dum in communibus causis, verumetiam in maioribus, uti sunt Criminales, Matrimoniales. &c.*
2. *Paupertas tamen in Teste hoc vicij secum trahit, ut in Casu, in quo requiruntur Testes omni exceptione maiores, possit opponens de paupertate negotium eis facessere, & quod in comparatione ad diuites, minus fidei habeant, quam diuites.*
3. *Qui verò dicatur pauper Testis ad effectum ut*



repellatur à Iudicio, in arbitrio Iudicis positū  
esse non dubito.

4. *Lictores, quia vulgo infames habentur non di-  
cent Testimonium, nisi in casibus functionem  
eorum concernentibus.*

5. *Spurium, Meretricem, non magis admittet ad  
testificandum Iudex, quàm alias viles perso-  
nas, pugnantes cum bestijs, histriones, iocula-  
tores, frequentatores tabernarum, quibus be-  
ne coniungemus, qui vulgo apud nos ad testi-  
ficandum pro quolibet, in qualibet causa pecu-  
nia conducuntur, testanturq; tanquā Nobiles.*

### CONCLUSIO III.

*Infames infamia facti nō est nouum in Cau-  
sis maximè ciuilibus in Testes admitti.*

### COROLLARIA.

1. *In criminalibus cum regulariter non admit-  
tantur Infames facto, tūc verò minimè, cum  
testimonium dicitur contra insignem aliquam  
personam.*
2. *Quod si veritas aliter haberi non possit in cri-  
minalibus*



*minalibus ad indicium faciendum potius, quam ad perfectam probationem admittentur.*

3. *Quando est coniuncta vilitas in Teste cum infamia, quicquid deponet, nullius erit ponderis in Iudicio, nisi tortura fortè depositio firmata fuerit.*
4. *Testes Nobiles iuncti Infamibus facto, pro natura causæ supplebunt defectum contestium infamium.*
5. *Si fiant interrogatoria super crimine, vel infamia, ad effectum ut detegatur, vel crimen, vel infamia in Teste, non tenetur talibus interrogatorijs, testis respondere.*

## CONCLUSIO IV.

*Notatos Iuris infamia in nullo genere Causæ, Iudex ad testificandum non admittet.*

## COROLLARIA.

1. *Etsi pars non excipiat de infamia contra Testem, Iudex ex suo officio poterit eum repellere.*
2. *Quicquid dicat non mala pars scribentium, non est verum undiquaq; infamem contra infamem ad testimonium admitti.*
3. *Enor-*



3. *Enormitas criminum, qualia sunt, Hæresis, Maieftatis, Simonia, Sacrilegij, Perduellionis, & ratio periculi publici, ut in fraudato censu, alienatione bonorum Ecclesiæ, facit admitti infames quavis infamia, ad deponendum.*
4. *Occultus infamis, restitutus, emendatus, appellans pendente appellatione in causa infami, non magis reprobati testimonij erit, quam ille, cui ex post facto superuenerit infamia.*
5. *Si partes in testimonium infamitū consenserint, valebit illud; ut Iudex compromissarius Iurisdictionem habens voluntate partium, & ex æquitate negotium decidens, non prohibetur in indagatione Causæ infamium testimonio, uti.*

Laus Deo Virginiq; Matri.







Sub felicibus auspicijs Admodum Rñdi P.  
ac Magnifici Domini, M. BASILII GOLINII,  
Sacrae Theologiae Doctoris & Professoris,  
Canonici Cracouiensis, & Vniuersitatis  
Crac: Generalis R E C T O R I S. Disputabi-  
tur in Lectorio Maiori DD. Iurisconsulto-  
rum Crac. Anno Dni. M. DC. XVIII.

Dic      Mensis Febr. Hora 14.





2. *[Faint, illegible text, likely bleed-through from the reverse side]*

BIBLIOTHECA  
VNIV. IAGELL.  
GRACOVENSIS

34. v. 78. B.



Biblioteka Jagiellońska



stdr0018898



